



**O'ZBEKISTON RESPUBLIKASI XORAZM VILOYATI BOG'OT
TUMANI HOKIMINING
QARORI**

Bog'ot shaharchasi, O'zbekiston ko'chasi, 18-uy

2020 -yil 7 - dekabr

2605a -son

Bog'ot shaharchasi

Хоразм вилояти ҳокимининг 2020 йил 17 ноябрдаги “Ўзбекистан Республикаси Президентининг 2020 йил 12 ноябрдаги “Тиббий профилактика ишлари самарадорлигини янада ошириш орқали жамоат саломатлигини таъминлашга оид қўшимча чора-тадбирлар тўғрисида”ги ПҚ-4891-сонли қарорининг ижроси ҳақида” 415қ-сонли қарори ижроси ҳақида

Ўзбекистан Республикаси Президентининг 2020 йил 12 ноябрдаги “Тиббий профилактика ишлари самарадорлигини янада ошириш орқали жамоат саломатлигини таъминлашга оид қўшимча чора-тадбирлар тўғрисида”ги ПҚ-4891-сонли қарорининг ижроси юзасидан туманда соғлом турмуш тарзини шакллантириш борасидаги ишларни янада жадаллаштириш, касалликларни эрта аниқлаш ва даволашнинг илғор тажрибасини жорий этиш мақсадида

ҚАРОР КИЛАМАН:

1. Хоразм вилояти ҳокимининг 2020 йил 17 ноябрдаги “Ўзбекистан Республикаси Президентининг 2020 йил 12 ноябрдаги “Тиббий профилактика ишлари самарадорлигини янада ошириш орқали жамоат саломатлигини таъминлашга оид қўшимча чора-тадбирлар тўғрисида”ги ПҚ-4891-сонли қарорининг ижроси ҳақидаги” 415қ-сонли қарори раҳбарлик ва ижро учун қабул қилинсин.

2. Ўзбекистан Республикаси Президентининг мазкур қарори билан: Вазирлар Маҳкамаси ҳузурида Касалликлар профилактикаси ва жамоат саломатлиги масалалари бўйича Мувофиқлаштирувчи комиссия ташкил қилинганлиги ва унинг таркиби 1-иловага;

Вазирлар Маҳкамаси ҳузуридаги Касалликлар профилактикаси ва жамоат

саломатлиги масалалари бўйича Мувофиқлаштирувчи комиссия ишини ташкил этиш, соҳа бўйича вазирлик ва идораларнинг республика - вилоят-туман даражасидаги вазифалари тақсимои 2-иловага мувофиқ тасдиқланганлиги;

Ўзбекистан Республикаси Президентининг айрим ҳужжатларига 3-иловага мувофиқ ўзгартиришлар ва қўшимча киритилганлиги маълумот учун қабул қилинсин.

3. Хоразм вилоят ҳокимининг мазкур қарори билан:

- Тиббий профилактика ва жамоат саломатлигини таъминлаш бўйича Мувофиқлаштирувчи вилоят ишчи гуруҳининг (кейинги уринларда - вилоят Мувофиқлаштирувчи ишчи гуруҳи) таркиби 4-иловага мувофиқ тасдиқланганлиги;

- Вилоят ишчи гуруҳи (С.Салаев):

касалликлар юзага келишининг олдини олишга ва уларни камайитиришга, уларнинг юқиш йуллари ва омилларига таъсир кўрсатишга ва техноген тусдаги фавқулудда вазиятлар билан боғлиқ бўлган асоратлар оқибатларини тугатишга қаратилган профилактик тадбирлар ўтказиши;

шаҳарлар ва туманлар ҳокимликлари, вилоят ташкилот ва бошқармалари томонидан жамоат саломатлигини таъминлаш бўйича олиб борилаётган ишларни ўрганиб, натижасини ҳар ойда муҳокама қилиб бориши;

- Вилоят соғлиқни сақлаш бошқармаси (К.Тангрибердиев), вилоят жисмоний тарбия ва спорт бошқармаси (А.Палванов) билан биргаликда маҳаллалар ва аҳоли хонадонларида, шу жумладан, узоқ ва олис ҳудудларда аҳоли орасида соғлом турмушни шакллантириш, бадантарбия машғулотларини кундалик турмуш тарзига айлантириш, шахсий гигиена қоидаларига риоя қилиш, соғлом ва тўғри овқатланиш, ортиқча вазн ва семизликни бартараф этиш, зарарли одатларга қарши курашиш, фуқароларнинг ўз соғлиғига бўлган муносабатини тубдан ўзгартириш бўйича тизимли равишда тарғибот-ташвиқот ишларини олиб бориши;

бир ҳафта муддатда тиббий профилактика, касалликларни келтириб чиқарувчи омилларни эрта аниқлаш, аҳоли орасида соғлом турмуш тарзи, шу жумладан, соғлом овқатланиш, жисмоний фаоллик, санитария-гигиена қоидаларига риоя қилиш қуниқмаларини шакллантириш ва ривожлантиришга қаратилган чора-тадбирлар режасини ишлаб чиқиб, вилоят ҳокимлигига тасдиқлаш учун киритиши;

- Вилоят молия бош бошқармаси (М.Искандаров) шаҳарлар ва туманлар ҳокимликлари билан биргаликда мазкур қарорнинг 3-бандида кўрсатилган чора-тадбирларни сифатли ва тўлиқ амалга ошириш учун маҳаллий бюджет маблағлари ҳисобидан маблағ ажратилишини таъминлаши;

- Шаҳарлар ва туманлар ҳокимликлари, вилоят соғлиқни сақлаш

бошқармаси ҳамда тегишли ташкилот ва бошқармалар мазкур қарорнинг ижроси бўйича вилоят ҳокимлигига ҳар ойнинг 5 санасига қадар батафсил ахборот киритиб бориши маълумот ва ижро учун қабул қилинсин.

4. Туман ишчи гуруҳи (Р.Шарипов)

касалликлар юзага келишининг олдини олишга ва уларни камайтиришга, уларнинг юқиш йуллари ва омилларига таъсир кўрсатишга ва техноген тусдаги фавқулодда вазиятлар билан боғлиқ бўлган асоратлар оқибатларини тугатишга қаратилган профилактик тадбирлар ўтказсин;

туман ҳокимликлари, туман ташкилотлар томонидан жамоат саломатлигини таъминлаш бўйича олиб борилаётган ишларни ўрганиб, натижасини ҳар ойда муҳокама қилиб борсин.

5. Туман тиббиёт бирлашмаси (А.Саидов), туман жисмоний тарбия ва спорт бўлими (Ш.Шерметов) билан биргаликда маҳаллалар ва аҳоли хонадонларида, шу жумладан, узоқ ва олис ҳудудларда аҳоли орасида соғлом турмушни шакллантириш, бадантарбия

машғулотларини кундалик турмуш тарзига айлантириш, шахсий гигиена қоидаларига риоя қилиш, соғлом ва тугри овқатланиш, ортқча вазн ва семизликни бартараф этиш, зарарли одатларга қарши курашиш, фуқароларнинг ўз соғлигига бўлган муносабатини тубдан ўзгартириш бўйича тизимли равишда тарғибот-ташвиқот ишларини олиб борсин;


бир ҳафта муддатда тиббий профилактика, касалликларни келтириб чиқарувчи омилларни эрта аниқлаш, аҳоли орасида соғлом турмуш тарзи, шу жумладан, соғлом овқатланиш, жисмоний фаоллик, санитария-гигиена қоидаларига риоя қилиш қуникмаларини шакллантириш ва ривожлантиришга қаратилган чора-тадбирлар режасини ишлаб чиқиб, туман ҳокимлигига тасдиқлаш учун киритсин.

6. Туман молия бўлими (Ж.Рўзметов) туман ҳокимликлари билан биргаликда мазкур қарорнинг 3-бандида кўрсатилган чора-тадбирларни сифатли ва тўлиқ амалга ошириш учун маҳаллий бюджет маблағлари ҳисобидан маблағ ажратилишини таъминласин.

7. Туман ҳокимлиги, туман тиббиёт бирлашмаси ҳамда тегишли ташкилотлар мазкур қарорнинг ижроси бўйича туман ҳокимлигига ҳар ойнинг 5 санасига қадар батафсил ахборот киритиб борсин

8. Мазкур қарорнинг ижросини назорат қилиш туман ҳокимининг ўринбосари Р.Шарипов зиммасига юклансин.

Боғот тумани ҳокими



О.Холбосов